

遠安縣志

宮室 官署

帝堯茅茨土階大禹卑宮陋室古聖儉德所昭有卽一居而可想見者凡屬臣工雖大僚猶當奉此意爲兢兢而州縣又無論已然縣令職司民牧聽政有堂鳴琴有室其體制詎可不肅乎若乃學校廳職各有攸司固當爲之所俾其有以蔽風雨然明有守禦所今設遠安營當並載之志官署

縣署漢建置羅漢峪臨沮城內晉遷於高安城內

遠安縣志

官室官署

一

卷三

元遷於亭子山下遭兵燬盡明洪武初邑侯大有復修天順七年邑侯何盤重修成化丙戌避劉千斤石和尚亂遷治東莊坪崇禎甲戌寇至城陷庚辰邑侯周乃浹遷治鳳山

國朝順治四年邑侯周會隆申請修城建署甲午水圮邑侯盧運昌重修戊戌水圮邑侯安可願重修康熙五年邑侯宋繹因鳳山城屢圮仍遷治東莊坪守禦所建修衙署監獄歲久朽壞邑侯樊丙南重修咸豐七年儀門燬於兵大堂亦傾圮邑侯朱錫綬重建又構小樓於花廳後與鳳

山相對顏曰聽鳳吟暇日與諸生嘯咏其中覽西北諸山之勝今已朽壞待修

學署舊在北門外康熙二十二年邑侯陳其順建修乾隆五十七年邑侯許忠一遷學宮於城內東北隅兩齋皆僦居民房道光二十三年教諭童兆璜牒請變賣北門外舊址買民房二所東齋在文廟右首前西齋在倉巷街口咸豐七年西齋燬於兵

捕廳向隨縣署監獄遷移康熙五年建於縣西咸豐七年燬於兵今僦居民房

遠安縣志

官室官署

二

卷三

遊府在中街之西箭道在大堂之右前遊戎海廉重修咸豐七年兵燬過半

守府署在城西前爲小箭道東首局庫又東馬棚咸豐七年燬於兵

左司城守無署 外委無署

右司署在黃家院 前司署在當陽河溶市

後司署在縣北洋坪市 千總署在當陽縣城內外委千把總署一在當陽縣城內一在涪溪河市

教場在南門外周圍一百二十丈
布按二館在縣東府館在縣西 今廢

遠安縣志

宦蹟

班固稱循吏所居民富所去見思生有榮名沒見奉祀爲之傳者六人可謂矜慎矣然志乘與史傳體例不同史家所書全乎爲循吏而志則惟取治蹟之在此者識之遠安自兩漢以來歲踰二千鈞稽前史其官此以功德治行著者猶有可錄傳之人豈自明迄今遂無勞心撫字立名德於後世者哉志宦蹟

後漢

遠安縣志

宦蹟

一

卷三

向朗字巨達宜城人也劉表以爲臨沮長表卒歸先主及後主踐祚領丞相長史免官後封顯明亭侯位特進朗自去長史優游無事垂二十年潛心典籍孜孜不倦年踰八十猶手自校書子條嗣入晉爲江陽太守南中軍司馬蜀志遺言誠子曰傳稱師克在和不在衆此言天地和則萬物生君臣和則國家平九族和則動得所求靜得所安是以聖人守和以存以亡也吾楚國之小子耳早喪所天爲二兄所教養使其性情不隨利祿以墮今但貧耳貧非人患惟和爲難汝其勉之蜀志註

唐

韋臯京兆萬年人初生彌月其家會羣僧祝其壽有胡僧升階曰久別無恙乎韋氏曰兒甫一月何云久別僧曰此諸葛後身蜀人向受其惠今將往食報矣韋氏異之因字以武侯後改字仲翔及長不飾細行西川節度使張延賞招爲壻怒其行逐之投獨孤及及力薦授荊州高安令有善政鳳凰集十山後爲隴州刺史延賞始送女完聚適朱泚反兩遣使陷以重爵臯皆斬之帝壯其節延賞入爲左僕射臯遂代爲節度封南康郡王贈太師邑人

遠安縣志

宦蹟

二

卷三

立祠祀之鮑邑侯請入名宦劉邑侯建二賢祠與元畢遜同祀按神仙鑑稱其將翟興張芬即關興張苞後身愚意興留名苞留姓翟從父名芬從已名輪迴之說蓋有之矣

宋

楊大異字同伯醴陵人遠安尉邑有峒寇擾民官兵致討積年弗獲檄大異往治之大異以一僕自隨肩輿入賊峒傳呼尉至賊露刃成列以待徐諭以禍福皆伏地叩頭願改過自新遂偕其渠魁數輩出降以賞遷吉州戶曹

宋史本傳

唐

韋臯京兆萬年人有美政致鳳凰來集鳳山之號始此後累官檢校司徒兼中書令封南康郡王鎮守全蜀贈太師邑人立祠祀之後鮑邑侯請入名宦劉邑侯又建二賢祠於縣門內祀之

按湖北通志荊州府志均以臯本傳無宰遠安事同時有韋丹者選彝陵州遠安令讓其庶兄不知其何所指遂削而不載然歷代崇祀名宦又與元畢遜同祀二賢祠當非無據而然或者臯傳偶有所畧歟抑或另有一人如道光二十八

遠安縣志

宦蹟

三

卷三

年任王公慶雲大興人由舉人揀發湖北同時又有王公名慶雲者福建人由翰林洊升巡撫縣令史不列傳後來亦將據巡撫傳謂此王公無宰遠安事乎應仍照舊志編入

宋

楊大異字同伯醴陵人遠安尉邑有峒寇擾民官兵致討積年弗獲檄大異往治之大異以一僕自隨肩輿入賊峒傳呼尉至賊露刃成列以待徐諭以禍福皆伏地叩頭願改過自新遂偕其渠魁數輩出降以賞遷吉州戶曹宋史本傳

凡公署學校橋道有圯壞者輒加修葺先是民嘗苦饑公乃令民輸粟贖刑比及九年積粟幾萬石歲歉賴存活者甚衆

舊府志

黎士翹南海人正德間知遠安涖政清慎扶植善類節省財力方銳志振刷積弊倏以病卒未竟其用

舊府志

孫崇德泰和舉人嘉靖十年任質直愷悌有守有爲改修學宮士民德之陞大名府判軍民遠送

葉儒福建松溪舉人嘉靖癸卯年任古貌古心善政善教涖任七載遠近咸懷

遠安縣志

宦蹟

四

卷三

田時雍貴州思南人嘉靖二十八年任涖政清慎撫字心勞未竟厥施

孫志四川渠縣舉人嘉靖四十四年任節省里甲勤慎清明柏臺有琴堂畫靜之譽陞平涼府判

程典號五江四川江津舉人涖任日損輿從減賦例慈祥明斷清慎廉平遠邑賦稅初無成規條編一法自公始利賴民生豈旦夕哉陞刺沔州涖送盈道

蘇大成號時所江西甯都舉人以理學高第出宰遠邑愛民禮士置義倉以備饑饉諸不便民間者輒

與蠲免斷獄無冤舉孝弟旌節義有古循良之風
欽簡李曹咸頌神明當時口碑至今猶令人景慕
焉

孫自強江南高醇人以明經起家泣遠時有大盜數
人結連川湖不肖輩互爲兔窟屢年逋逃以計捕
獲民害以除萬歷九年奉旨清丈親履阡陌田賦
均平集諸生纂修邑志文章事業俱足不朽至今
尸祝遺址猶存在舊城南門外橋側

周乃浹號伯霖山東卽墨明經強毅有爲多謀能斷
邑中刁悍每倚宗藩肆虐乃浹治之民獲安堵流

遠安縣志

宦蹟

五

卷三

寇猖獗兵馬絡繹如織俱應接有方民間不擾後
流寇十三家約數萬犯境乃浹率民保聚鳳山賊
不敢窺民賴以安陞黃州府丞監紀衆兵臨行卧
轍者衆

國朝

周會隆山東濮州舉人知遠安首請兵討平周西兒
修新城練鄉勇慈仁明斷撫字凋殘時學宮傾廢
人輕詩書乃建學立社課士有禮士氣大振尤好
學退食必讀書吟詩纂修佚志雅意山水暇日率
士課農桑進老稚而勞來之怡如也性廉潔囊底

無長物陞建昌府丞去之日語士民曰余待罪遠安無他失獨老荒恐遺民累士民攀轅不能去可爲循良第一

盧運昌山東陵縣進士順治九年涖遠政尙寬和尤能作養士類新城圯捐廉修復人賴以安

安可願陝西耀州拔貢涖遠時值虎孽肆擾公布德招徠申嚴保聚捐俸重修新城建木城於舊治以爲犄角民賴以安賊平復修縣志善政不可殫述陞薊州知州去之日士民卧轍攀轅至有垂涕者陳其舜山陽監生康熙二十二年涖遠勤慎廉明培

遠安縣志

宦蹟

六

卷三

植學校明倫堂進德修業兩齋敬一亭皆公修梁鳳翔陝西咸甯進士入祀名宦歷年甚遠求其軼事不可得以在孝感拔涂燮菴尙書觀之大抵培植學校惜士愛民故所在皆有循聲

蘇汝礪常熟拔貢清慎廉明愛民惜士邑人德之將爲之傳得其墓誌銘家絃戶誦採入藝文

宋楷字素我四川夾江舉人貌韶秀心慈祥乾隆三十年涖任在遠十年興利除害待士民如家人子弟嘗書上蒼下赤匾懸大堂一切惠政詳見各條荆門當陽鍾祥南漳皆有澤被鄰封匾額去之日

父老兒童泣送百里外公亦悲不自勝諭曰國課早完處女早嫁屈死不告狀餓死不賣田爾曹切記之後紳耆環請入祀名宦雖上憲未准而各鄉固已立祠祀之

許忠一巴陵拔貢乾隆五十六年涖遠愛士惜民以邑中科名不利遷文廟於城內乙卯登鄉魁者有李超倫戊午中副車者有周德豐人皆頌之有術者謂公曰東南無文峰如作高埭於巽位當出翰林公欣然議建未果而去任惜哉

石燼直隸灤州拔貢乾隆六十年涖任性明決有膽遠安縣志
宦蹟
七
卷三
勇嘉慶元年白蓮教匪滋事煽惑人心公搜城內習教者并及其家丁駢首誅之不姑息以養奸因安良而除莠人言弗恤也後兵賊絡繹隨機應變當陽陷而遠安城卒賴以守則其所保全者甚大也邑人至今德之

呂應熊陝西咸甯舉人嘉慶四年涖遠時蓮匪猖獗官兵絡繹公應變有方五年九月賊伏青龍灣高廉鎮李陷入陣亡公授兵登陣旗幟嚴整賊不敢犯城賴以保

詹應甲號止園江蘇吳縣舉人時稱吳中才子其賜

綺堂詩集傳遍天下嘉慶十一年涖任政簡刑輕
邑無冤民喜山水政餘探幽陟險邑名勝咸有屐
痕杜絕苞苴有罪者欲賄以買直而無從故所涖
皆有循聲正己而不援上故在湖北數十年只於
邑令宴如也

黃虎文號嘯巖江蘇太倉州舉人潛心理學爲文力
追西江屢充同考官所取皆知名士辛巳科垣亦
謬承堂薦嘉慶十二年涖遠政尚清靜邑人德之
在任未久去後設有長生祿位牌至今尚存大士
閣樓上可想其遺愛在人焉

遠安縣志

宦蹟

八

卷三

陳若疇號聞之貴州安平進士嘉慶十二年涖任性
聰穎清廉勤慎爲民雪奇冤數次遐邇傳頌與士
類接談笑竟日如家人父子試文童場畢具飲饌
必親視之遇屬吏胥役嚴常書十則自警懸可耐
軒壁其中多言書役惡狀在任五年以卓異進京
後復任清風兩袖幾於饕殮不繼甫一載遷黃岡
縣喜吟詩有自遠集行世

屈啟宇號廓菴京山舉人貌魁梧性嚴正動必以禮
雖所朝暮見必冠學宗宋五子八股文經術湛深
與士類接論道藝不計束脩司訓十六年遷安肅

令

余作梅號鶴樵黃岡舉人貌秀性穎學深養粹與人接和氣滿容爲諸生閱詩文口不言贊儀司訓十年卒於署洙其教者咸思之

劉鴻庚號西垣浙江會稽舉人道光十六年涖遠政尚勤敏於聽斷每升堂觀者如堵不數語案已結人皆驚服有疑事輒私訪以故人不能欺盜賊遠屏幾有夜不閉戶之風去遠有留別士民詩詳後傳九淵號拙齋江西進士高才博學爲文經術湛深不襲時下墨套精算法閱筭書八十餘種海內搜

遠安縣志

宦蹟

九

卷三

尋殆盡道光十七年涖任性仁厚政尚清靜以詩文課士講解詳明賞賚優渥甫三月入秋闈校士未畢場太夫人卒於署丁憂去遠未盡所施子壽朋號絜士登鄉薦學行俱有父風

紀煥厥號蘊亭直隸獻縣舉人紀文達公之裔也由教職截取十九年涖遠政尚寬惟欲民無訟二十一年遠安旱米騰貴人有請禁長價者公但勸富戶不閉糶日價高招遠客本處又出糶米聚價不期平而自平矣歲乃不飢後致政歸人猶德之王慶雲字仲卿順天大興舉人道光二十八年涖遠

政尚嚴肅禁暴戢奸胥吏豪強皆斂跡盜賊不入境未久去任民以三月大治頌之

李葆樹號椿陞山東濟甯州進士道光三十年涖遠爲政以不擾爲安待士厚有可造就者不憚多方造就之咸豐二年之警大憲檄團練爲防堵計時遠安城堞久圯公建城樓濬城濠補城缺日夜勤勞以此致疾八月訛言起力疾巡視精神益耗遂以不起九月卒於署旅櫬今猶未歸葬人皆憐之

遠安縣志

行業

鄉士國士天下士士同而立德立功立言表見不止一途皆郡邑之光榮後來之文獻也遠安鳳山鍾秀沮水蘊靈歷朝以來名賢輩出偉業芳踪增光史冊其或位不副德而輿論歸之亦不可沒焉古今人表昉自孟堅惟楚有材堪資景行採而錄之可無愧汝南管鑰云志行業

明

張武團山隱君子後之才孫少有文名登洪武甲子

遠安縣志

行業

一

卷三

鄉薦授鳳陽府丞時當開剗公佐治精勤居官有冰蘖聲傳家以儉性耿介卒於官宦邸蕭條事聞明太祖嘉之勅諸有司路奠還里

徐禎永樂間歲貢授渭南知縣調翼城上親征邊境禎隨征有功陞雲南霑益州同知時毋總管與土知州搆隙地方騷動禎親詣貴州水西宣慰安民二年方解釋夷民感悅後致政還鄉

何史訓宣德癸丑登曹鼎榜初授行人景泰間山東山西二省負租訓奉命催督事竣陞戶部員外郎總浙江糧儲出使遠域不辱王命辭疾歸奉詔進

階朝列大夫知縣鮑良守請入鄉賢祠祀之後裔人龍明季實授都司勦禦有功

戴旺先入本縣學後由都吏陞金鄉衛經歷持身清
慤泣政廉平

胡鑾生平多德量盛儀度居家友愛祖產讓諸弟由
選貢初授吳江簿後補山陰陞新城縣丞泣政公
平有廉幹聲轉南直督府經歷未踰月致仕年七
十五卒於家乏嗣人皆爲公憾知縣鮑良守請入
鄉賢祠祀之

傅公朝行謙學富由歲貢授萬年縣丞居官清潔署

遠安縣志

行業

二

卷三

篆廉平惟一僕自隨卒於官囊無餘錢喪具蕭條
百姓哀之

李槩字斗池性敏博學善屬文尤喜讀眉山集以數
奇艱於一第膺里選入北監爲成均高公諱拱者
器重屢弁諸生已而高公掌銓部公謁選授蜀之
開縣常決滯獄多所平反恆自負不毀方取容致
政歸不置田宅識者知公之後必大

翟言字養默醇德人也登里選授富順令遷瓊州別
駕時海寇竊發身入寇營招撫郡賴以安乃歸里
端靜自持偶有無知詈辱之公杜門無愠色詩云

時人欲識胸襟否彭蠡秋連萬里江先生有焉
鄧醇字廉川天懷風雅夙抱經濟以明經秉鐸孝感
造就多士知名遷鄖諭亦然所入俸半與士作登
山賦飲資公嗜酒吟詩豪曠不羈殆高陽之徒與
課子孔進列庠

張崇文字在吾盛年以資應貢有忌其軋己者挽勿
就試卽止後以選士對公車歷彭澤祥符兩庠師
多士祖其文章諸當道競入薦剡遷貴之清平衛
經歷生平規行矩步不逢世以機耄年猶披吟不
輟長子斗□成進士次斗辰恩選斗台歲薦斗墟

遠安縣志

行業

三

卷三

賈進孫宿輝鴻業千喆鴻圖俱列庠

張斗樞字天都崇文長子也少有鴻才讀書不輟寒
暑萬歷癸卯亞魁登丁未黃士俊榜筮仕魯山地
多奧草公買犢給墾歲凶廣設饘粥請捐上供民
賴以不飢調永城尤勤課士有秀水利鬻宮左畔
公濬之卽鶚薦四人壬子分校豫闈得蕭曰蘭七
士公清介丰稜凜凜執政以此擢天下廉幹第一
遷南銓部主事居曹喜校書欽假省親未幾病卒
子鴻業列庠

孫尚信字復所節婦談氏遺腹子也幼讀書遵母義

方每奉顏色喜怒隨之溫清六十載子姪繁甚築館延石帆李先生爲師一時名藉庠內幾數十人待子姪甚嚴喜交遊嗜書不載俗事天啟里選未仕而卒

李如玉字振華槩之孫喜選勝處負笈讀書屢試冠軍才名藉甚爲鄖治臺黃公諱紀賢者器重聘龍門書院館餼肄業萬歷己酉登王時化榜五上公車數奇未第授維揚寶應令決冤獄通水利漕艘安瀾三藩王就國公經營有方民賴不困其人爲公作八寶政畧宦業至今不磨也公性狷介塵視

遠安縣志

行業

四

卷三

軒冕解組歸居家端嚴有禮課子勤勉長子本元北監次本先明經孫觀生食餼

向儒道任巴縣遷南京東城副兵馬居官清慎輿誦嘖嘖公有丈夫子三才俱博洽年九十二目擊四代元孫俱列邑庠

陳隆治性介毅爲士時安貧力學初任漢陽府授遷奉節知縣治政有方

游一孝字順所學富經史望重當時秉鐸湘陰湘潭武昌三庠咸多造就膺薦當遷因病告歸課子士道孫應昇曾孫九鵬列庠

楊宗孟嘉魚訓制行端方署嘉魚縣事拒賊城守有功題補東安縣知縣

張斗奎字燦垣長業儒族中莫能葬者六人悉奎經費授職漳州巡司聞家寇亂念母在堂泣叩上臺告假歸省朝夕曲盡子職有勸其復任者不答課子千英食餼孫炳芳列庠

傅舉說字鼎商號夢卜業儒未就折節爲吏信義服人慷慨任俠初授江西會昌縣尉轉福建晉江縣巡檢辭歸養親以孝稱課子作礪食餼

張斗墟字太都生平言規行矩恂雅自如孝友篤於

遠安縣志

行業

五

卷三

家庭謙和著於閭里課子宿輝列庠

國朝

李正從見後紀事本末

楊瑯樹號孝齋國初隱逸遊跡遍天下所至皆有題吟著作等身遺稿散軼其傳世者有愛菊堂詩集老歸故里邑令慕其名輒造廬焉

談經正字傳六號復齋康熙庚午科舉人賦性高潔陶情詩酒登科後二十九年始授福建九和縣知縣政治宜民尤善緝捕時制府令人捕某逃逆公授以計旋擒獲制府奇之密令捕某寇公率壯丁

數人星夜馳往擒獲而守者不知謁見制府禮遇過於府道台灣平擢知彰化縣事數年以母老乞終養解組享壽七十著有山中吟出山吟冬嶺小草還山吟行世

姜開齊號渤南歲貢生善書工詩教授生徒閉門不出雖居城市不與外事與居鄉村無異著有砌字吟詩集行世

談世詔字聖諭歲貢生賦質魯力學勤其造詣之成大抵得於人力性恬退不慕榮利選蘄水司訓以老病辭終日讀書不與外事教授生徒成材者數

遠安縣志

行業

六

卷三

十輩享壽八十無疾而終

周正位邑庠生貢生光祿之祖貢生維翰之曾祖舉人汝珩職員汝靜之高祖貌古秀丰度端凝終日正襟危坐案下踏石兩足跡深寸餘動作有禮從不與人爭財物較是非有辱者不校也家故貧佐食惟菜羹禮衣冠各一終其身不再製少時讀書勤苦夜課無膏火日暮削松脂代燭時人比之糠映雪云

鄒延伸號沮南邑明經仁恕狷介言笑不苟事親孝親沒日夕繞墓泣血三年祭先陳品物歷呼祖父

母飲食痛哭良久乃已燕居著衣冠如對賓客遇子弟奴僕從無疾言遽色人以橫逆來不校也年八十二無疾而逝

周士巍廩生闡道四子貢生正愷教諭德豐訓導德裕之父也天分卓越好學篤行貌嚴整人望而生畏卽之和氣靄如少孤事母以孝聞十五入庠讀書靈湫精舍三年博極羣書爲文清真雅正學使胡目爲荆郡之冠隨州進士羅治鐸吾邑聞其講四子書大驚以爲聞所未聞命子師事之設教五十餘年弟子遊泮者八十餘人

遠安縣志

行業

十

卷三

李鍾岳字五華號允吾幼而穎異弱冠食餼肄業荆南與妻兄辛卯解元葉奕焜爭後先由明經選均州司訓嘗從姜渤南先生遊渤南有詩稿待梓爲請序於當代名公付諸剞劂性高傑識量絕人往來賢邑侯多愛敬之在均日與諸生講文藝不計束修於遠方遊學之能文者尤加意玉成及歿蘄州廩生陳性善輓以詩有鯉也趨庭哭參乎問道難之句

陳楨字維翰號鶴浦邑貢生嚴氣正性望重鄉邑教授生徒列庠者五十餘人坪中田向無水利創修

之自此無旱憂成沃壤焉又善解紛鄰里構釁經數語勸戒輒息詩文書法無一不工得之者珍如拱璧壽八十日見四代子國樂廩生國恪貢生孫崇閣選拔曾孫文藻文蔚金鑾俱廩生文鷗列職元孫教壘教塏俱廩生塋教培俱列庠

李超倫詳載墓誌見藝文

周德豐號芑田棫村四子貌長瘦骨秀神清髻齡隨父讀於村塾執爨朝夕伺候維謹年十八入邑庠旋食餼中戊午副車館於城廿餘年足不履衙署年六十一選大治司諭檄下久不治裝生徒促之

遠安縣志

行業

八

卷三

曰大治饒有學田遲則穀入他人手從容應曰予不至於穀者也涖任十年同寅竟陵劉人彥愛之如同胞後致仕旋里言及劉淚輒涔涔下居家八
十日沒

陳國樂字大韶邑廩生選拔崇閣父也聰慧絕倫年十六府試六場皆冠軍旋采芹食餼學使奇其才性純孝制行不苟後以嗜學致疾時親老子幼自製禱北斗太歲文乞終孝養了子平願未遂卒年
三十二

李裁玉字藍田邑廩生幼年喪父事母以孝聞撫三

弟皆成名嘉慶初教匪滋事與弟武生懷玉練勇擊賊石明府用帛書儒將風流四字獎之敘功以八品歸部銓選辭不就舉孝廉方正亦不就志切觀光呈請仍歸明經本班未及考准而卒子逢年逢盛俱列庠

周光祿號阮亭歲貢生貢生維翰之本生父舉人汝珩之本生祖父生而英爽讀書觀大意不屑尋行數墨尤精史學數千年爛熟口頭下筆洒洒千言科歲試屢列前茅乾隆己酉科房薦擬中以詩一字不諧被落性明達有肝胆嘉慶丙辰蓮匪起擾

遠安縣志

行業

九

卷三

練鄉勇隨方剿擒賊破分別良莠全活甚衆宗族數百家護惜如同室常爲族人謀事急冒雨行數十里顛墜泥淖中時年踰五十其血性尚如此陳崇閣字凌烟號鳳巢邑之什塚坪人廩生國樂子面秀身長天姿純粹甫九歲母病左右侍湯藥無片刻離父命之寢着衣卧床頭聞呻吟聲輒驚起母尋卒又三年父亦卒喪葬盡禮泣血三年事大父曲盡孝養與胞叔國恪同筆硯雖年長三歲終執猶子禮不衰年十七童試冠軍二十三登拔萃科以大父春秋高不復營仕進隱居教授弟子從

遊者日衆學問淵深爲文闡發經傳名理不專事
聲色教人循循善誘先德行而後文藝居鄉繩趨
規步情意敦篤門外事一切屏除非大公事足不
履衙署邑宰石贈以詩云氣若芝蘭香可襲品如
金玉粹而純可謂善肖其人矣

黃萬青號蓮塘邑明經豁達俊美少肄業荆南書院
諸山長以大器許之屢膺房薦數奇見遺性孝友
喜施予尤善排解丙辰蓮匪起公督勇守城有染
匪習者分別良莠活人甚多以軍功議敘六品辭
不就邑令陳聞之贈以詩有此邦人士公爲最待

遠安縣志

行業

十

卷三

及瓜期聽鐸鳴之句後選均州司訓檄到已沒子
鶴齡松齡俱列庠

李甲煊號南屏邑貢生學憲吳賞其文刊入試牘從
遊者甚衆邑令詹止園奇其才贈以詩云老筆着
花應笑我空山種樹又逢君資以金俾赴鄉試薦
未售後陳聞之邑令極重之以詩相唱和然每接
見談風月不及公事也家中落晚歲益貧敝衣疏
食日與詩社諸後生遊山水吟詠弗輟其高趣如
此

翟尚忠號誠菴醇謹篤學幼師事陳鶴浦先生相距

咫尺每歸用飯路上誦文七篇來塾亦然遊泮後
屢列優等教授生徒篤於骨肉不干外事士林重
之登明經候選

陳國恪號筠岑歲貢生廩生樂之弟幼有軼才博通
經史爲詩文不從時好善書法蒼秀之氣動與古
會著有瀟湘八景字帖稻香齋詩集自號雲阿居
士

周德裕詳載墓誌見藝文

陳文藻號挾亭拔貢鳳巢長子年十七以冠軍列庠
十八食餼屢膺房薦科歲試悉列優等與弟文蔚

遠安縣志

行業

十一

卷三

爲文宗所獎常以二宋目之性閒靜一言動悉遵
禮法與人相接終日儼然使人躁妄悉捐卒年三
十三著有敬業堂文集稿存待梓

談永遵邑增生溫厚樸誠篤學不倦遊泮後設教數
十年生徒以千計前後列庠者二十餘人家不豐
從不較脩金平居規行矩步不干外事晚年眼益
明齒重生享年八十無疾而終

陳文蔚號霞村拔貢鳳巢次子年十七入庠旋食餼
乙酉科堂備額滿見遺歲科試七次冠軍稿一出
傳誦遍數郡貌魁梧性和粹吐矚清雅見者咸敬

而愛之與兄揆亭卒年俱三十三邑人痛惜咸謂
二陳早逝實地方之不幸云

彭含章號貞菴邑諸生性恂謹學識淵博爲文俯視
一切甲午科房薦未售而嚮上之志至老不衰家
極貧不妄取人一錢精岐黃濟人甚多及卒里人
思之

陳金鑾號穀臣邑廩生拔貢鳳巢三子出嗣國恪子
崇閔貌魁梧博學能文唐春墅明府試童子拔爲
首贈詩四章嘉之旋食餼科歲試屢列優等甲午
房薦額滿見遺性仁厚窮乏咸沐其惠寒士往謁

遠安縣志

行業

十二

卷三

必厚贈之待佃民尤有恩欠租踰年不輸弗較也
少時意氣豪邁三十後彌自謹飭繩趨規步門外
事悉不與聞邑有大公事官禮請再三始入署歲
辛亥舉孝廉方正尋卒喜吟詩有咏史百首稿存
待梓

馬學珍號荆山生而穎異仍矩步規行歲科試屢列
優等以明經鐸通城歷任八年勤課期振風化閭
學佩服贈有泰山北斗匾額年八十歿於署旅櫬
歸諸生眷戀道左有涕泣者則必有今人不忘者
矣

王徵璠字魯寶號玉岑歲貢生氣質溫厚經術湛深
屢試優等授生徒說理精細一時承薰陶列膠庠
者數十人惜年將花甲遽爾溘逝未大其用門徒
咸繞棺涕曰化雨於斯止春風不再臨著有崇山
堂文藝待梓子旭林青年食餼雖薦而未中然鬱
無不發積久必昌自然之理也

李逢盛與其兄逢年皆邑庠生壽俱近八旬尊師重
道敦品勵行貧而有骨逢年博覽羣書工岐黃以
濟世逢盛則有詩癖自成一家無非天籟舊志採
錄數首載入藝文間有筆削遜其自然遠矣鏤金

遠安縣志

行業

十三

卷三

錯采不如出水芙蓉也

周汝珩號石卿甲辰舉人湖南候補知州宰益陽縣
爲人能遵父訓克守官箴丁父艱歸以母老□弟
先亡不復仕南省大府欲奪其情當差鄉黨復爲
勸駕終不肯乃以數日病作古年甫五十三惜哉
周商山學師誄之曰南國棠雲遺子庶北堂菽水
付兒孫

陳教塏號爽泉咸豐戊午舉人廩生文蔚子也敦品
好學惜年甫三十七歿於沮漳舟次周商山學師
誄之曰天奪世間公輔器人哀江上孝廉船

許步雲品行端正敏而好學年十七冠軍入泮試輒
優等嘉慶壬戌歲貢業教讀培成甚眾精岐黃濟
活尤多壽八十

曾志春性純篤品端方生平不苟笑言行步不踰規
矩鄉里咸矜式焉童試冠軍歲科輒列優等道光
辛卯歲貢六十壽誕前學師贈聯云古風堪擬澹
臺氏瑞日初開甲子花可以想見其人矣從遊者
化雨均沾私淑者聞風興起其侄廩生玉藻庠生
土藻錦江侄孫汝元前後皆出其門嫡孫述之亦
列庠

遠安縣志

行業

十四

卷三

姜宏文邑庠生性恬靜寡言雖處囂市不慕榮利教
邑中子弟多所成就享年八十七前邑侯朱篠筠
明府贈有今之澹臺匾額司訓周商山追擬其行
則以爲古之靖節

喻慈昌號碧峯性慷慨喜爲善有餘輒以濟人倡捐
義學多所成就嘗於城南修待月樓與二三友朋
歌嘯其中著有待月樓詩集司訓周商山讀其詩
想見其人之瀟洒推爲名手

王其祿事親孝待人慈嘉慶丙辰丁巳團練鄉勇刀
下活人甚多癸酉甲戌年間米價昂貴設局平糶

鄰里德之子正品恩授從九孫掄元列庠
馬岳嶠性慈祥身勤儉救災恤患揜骸埋胔嘉慶年
間團練鄉勇得軍功未仕

熊應兆號瑞堂義士澤潤之子樂善不倦能繼父志
而體母心生平慕澹臺子羽之爲人賢者敬之不
肖者憚之幼穎悟欲以詩書揚名顯親弱冠遊庠
食餼屢躋秋闈而好學益堅援例貢成均加同知
銜同治元年舉孝廉方正年五十七而卒其子茂
才汝鈺等請私誄於司訓周商山周以孝廉方正
平常之德兆能敬守勿失誄曰彝恪鄉黨以爲無

遠安縣志

行業

十五

卷三

漏無溢

王英才邑庠生品行端正經術湛深遠近欽仰既沒
而名猶存壽五十三

陳教壘歲貢生品端學邃教讀一生宗族鄉黨從遊
獲雋者無數胞弟教匣堂弟教塏教培教埏教墀
堂姪家鎔諸孝廉茂才皆親承教訓年五十而卒
城鄉受業者誄之曰慟先生遽赴玉樓空從帳下
嗟安仰歎小子不聞木鐸相與場中哭失聲

李友萊廩生號霖商品行莊正經術湛深鄉黨咸欽
士林共仰生子增生作賓卓有父風孫之熠之炯

俱列庠之炳業儒克繩祖武元孫培元列庠登瀛
補增可謂世代書香

楊繼震增貢生號修省恂謹仁厚事親孝少而親愛
長而色養老而孺慕通經史子集精河洛理數學
師童以博學篤行克敦孝友舉優訓弟繼溥亦列
庠

李元吉恩貢生敦品力學嘗以遠大自期貢成均後
就州判職未仕而歿士林惜之子芳樹列職精岐
黃

易庭善庠生嚴氣正性暗室不欺有火滅修容之風
遠安縣志
行業
十六
卷三
不肖者遠避之子士亨孫漸達均列庠

簡 泰歲貢生其父文錦木劉紹堯之子襁褓失恃
因過房簡氏及長勤儉起家富而好禮生泰與其
弟庠生廉俱規趨矩步博學能文鄉黨矜式
王之楨康熙時庠生有懿行行路遇婦女輒迂道避
之子道平孫緒均率是行後之列庠者代不之人
里黨以爲世德之報

望世經字傳憲受登仕郎品行端正望重閭里子二
一入成均孫五列邑庠者三鄉黨咸稱爲忠厚之
報

朱承緒辛酉選拔幼孤秉和丸之訓安貧賤礪廉隅
以不及祿養攻苦益力賚志以歿

喻秀鍾號淑山心性慈祥威儀整飭績學而恥趨捷
徑好脩而惡得浮名允稱一縣完人可爲後生矜
式將登爲鄉飲賓而卒子承綱食餼

談脩來歲貢生經明行脩一鄉善士宗族姻婭觀摩
者眾

杜志學 恩貢生枕經蔗史潔己脩身與貢生周維
翰友周擇交慎重可想見其生平

魯泮藻歲貢生志潔行芳家貧學篤屢膺房薦丁卯
遠安縣志 十七 卷三
應鄉試抱病而歸卒於路士林哀之

遠安縣志卷之三

選舉

古者典重賓興有論秀書升之法漢用徵辟猶鄉舉里選之遺至科目行而倜儻非常之士遂不待網羅翕然自趨於繩墨遠安科目若而人徵辟若而人唐宋以前靡得而云已自元以來則猶有可考而識者若夫青年拔萃皓首明經雖未盡登仕版必為脩志之而貲進亦附焉志

選舉

元

進士

舉人

貢生

貲進

遠安縣志

選舉

一

卷三

張之才

張之才
天字
錫官
司運使
鹽運

韓當

<p>德宣 辰甲 卯癸 子庚 午甲 卯辛 樂永</p>	<p>遠安縣志</p>	<p>子甲 武洪</p>	<p>明</p>	
<p>西史 計 副陞 使廣 澄 御官</p>			<p>進士</p>	<p>徵 府二 韓 辟 志人 俱荆 當 列州 上以</p>
<p>何 楊 胡 計 孫 王 史 恭 灝 澄 衍 弼 訓 不隱 府順 員戶 傳有 仕居 訓天 外部</p>	<p>選舉</p>	<p>張 武 傳有</p>	<p>舉人</p>	
<p>李 陳 李 鄭 牟 徐 杜 州陞 戴 郭 伯 謨 茂 禎 林 禎 欽 昇 琦 玉 吏茂 知彰 吏青 知懷 州普 理廣 目州 事德 目州 縣集 同安 問西</p>		<p>一一</p>	<p>府陞 黃 鄧 程 復 張 長甯 忠 茂 銘 儀 睦 史國 通九 知南 知鬱 照吉 知獲 判江 縣溪 州林 磨安 縣嘉</p>	<p>貢生</p>
	<p>卷三</p>		<p>賁進</p>	

<p>辰庚 順天 泰景</p>	<p>遠安縣志</p>	<p>統正 丑癸</p>
<p>韓 □ 廣</p>		<p>何史訓</p>
<p>韓 廣</p>	<p>選舉</p>	
<p>徐 任 楊 劉 楊 周 蕭 譚 劉 何 環 顯 珪 恂 禧 法 憲 理 璉 魁 主大 簿興</p>		<p>楊 董 田 唐 牟 何 望 楊 張 李 儀 旻 廣 時 善 憲 子 志 守 繼 順 宗</p>
	<p>三 卷三</p>	

<p>德正</p> <p>子壬</p>	<p>遠安縣志</p>	<p>治宏</p> <p>卯癸</p> <p>化成</p>
<p>李</p> <p>昇</p> <p>知開</p> <p>縣縣</p>	<p>選舉</p>	<p>縣知</p> <p>蕭</p> <p>體</p> <p>高</p> <p>彭銅</p> <p>山梁</p>
<p>魏 張 胡 徐 王 張 李 縣研 覃 蕭</p> <p>玉 宣 祥 鍾 之 翔 昇 永 山</p> <p>縣宜 歷衛 照按 學安 經永 主南 主慈 泉歷 知宣</p> <p>丞興 經 磨察 正甯 歷甯 簿溪 簿谿 井石 縣城</p>		<p>劉 王 楊 楊 曾 張 冷 王 馬 張</p> <p>禧 郊 醇 秀 柏 傑 顯 佐 禎 實</p> <p>主瓊 知江 吏全 知上 簿山 縣安 目州 縣游 照太 磨平</p>
		<p>四</p> <p>卷三</p>

遠安縣志

午丙 靖嘉

子甲

選舉

蕭廷節

御陞
史貴
州
蘇萬民
知青
縣陽

楊	黃	郭	談	傅	李	許	冷	任	蕭
金	金	仁	鎧	公	聰	忠	儒	漣	雲
訓江	同武	同壽	推桂	仁			縣吉	縣上	照韶
導陰	知定	知州	官林				丞水	丞海	磨州

蕭	談	鄧	向	甘	王	胡	傅	胡	歐
永		光		棠	偉	金	公	鑾	陽
式	珏	濟	鑾	棠	偉	金	朝	鑾	威
訓江	傳有	府南	事衛	知孟	訓江		傳有	傳有	縣山
導陰		授陽	知	縣縣	導安				丞陰

五

卷三

子戊	遠安縣志	西癸 曆萬 慶隆
簡而可傳有	選舉	周師道 知潛縣山
游春澤 <small>嘉訓導</small> 翟鳳羽 <small>知筠縣連</small> <small>知縣</small> 周師文 <small>潛選山貢</small> 蘇萬方 <small>知泌縣</small> 孫尚志 翟詔 <small>新縣丞</small> 翟言 <small>有傳</small> <small>穀城授</small> 龍安 <small>授諭陞</small> 周世用 <small>授順轉</small> 天		吳綵 <small>府馬授湖</small> 朱炳 <small>教諭</small> 游春霽 <small>學廣正</small> 鄒天榮 <small>教諭</small> 蕭瑗 <small>訓巴縣</small> 向儒道 <small>傳有</small> 李槩 <small>傳有</small> 陳欽 <small>教諭</small> 劉安 <small>教諭</small> 蕭永陵 <small>縣任知</small>
徐天緒 <small>西任南江</small> <small>府校檢</small> 周師善 <small>開儒封士</small> <small>有蹟</small> 清慎 <small>明允</small> 李宗膺 <small>福理問</small> 翟詮 <small>開吏目</small> 州		六

遠安縣志

選舉

七

卷三

卯辛

酉丁

子庚

游一清
知邛州州

張大受
傳有

鄒宗孟
有副傳車

向前
訓應導城

冷鳳陽
知寶縣應

江一麟

翟謚

鄧醇
傳有

張崇文
傳有

陳隆治
傳有

游一書
訓建導始

楊權
訓湘陞潭

府黃授州

昌府衛
經歷

鄒承寵

孫訪
生監

卯癸

未丁

酉己

張斗樞

張斗樞
傳有

李友蘭
傳有

李如玉
傳有

汪如川

郭鏜
主順簿德

杭應宗

王佐才
府南訓安

廖應斗
府長授沙

張崇慶
陽初推貴

官後州南
安知州

喻於義
主安簿邑

游一孝
傳有

張希堯

昌府衛

鄒承寵

孫訪
生監

汪如川

郭鏜
主順簿德

杭應宗

王佐才
府南訓安

廖應斗
府長授沙

張崇慶
陽初推貴

官後州南
安知州

喻於義
主安簿邑

游一孝
傳有

張希堯

七

治順	國朝進士		遠安縣志	禎崇 啟天
	舉人		選舉	
黃 判運 孫 開 祚 東恩 鹽河 袞 隨 轉州	貢生	楊 宗 孟 傳有 楊 應 早 張 斗 台 判州 州 屢 判 未 諸 仕 生 卒 考 鄒 生 孟 宏 博 詞 學 孫 諳	八	孫 誠 張 斗 辰 縣上 丞虞 孫 詵 尹 任 彭 嘉 觀 敖 良 儒 談 堯 中 知宣 縣化 蘇 甘 雨 知會 縣昌 孫 尚 信 傳有 談 燦 縣巴 訓陵
	費進	程 忠 張 斗 墟 傳有 傅 舉 說 傳有 望 宸 吏 蒲 目 州 乘 龍 列 庠 課 子 平 吏 目 黎 徐 正 璇 字 黎 斗	卷三	張 斗 奎 傳有 王 國 選 照馬 磨湖 王 汝 臣 吏 目 州 鄒 承 恩 萬 一 江 典固 史始 萬 天 望 主懷 簿遠 萬 世 望 檢漳 校州 遷 鴻 鳴 臚 贊 序 班 馬 從 乾 校授 陸 檢 冷 達 享

<p>午丙 熙康</p>	<p>遠安縣志</p>	<p>酉丁 午甲</p>
<p>曾宗孔 副三 車次</p> <p>童綏世</p>	<p>選舉</p>	<p>楊正芳</p>
<p>談繼孔 李士榮 黃師憲 張千喆 黃家瑞 談經邦 余懋英 張千英 王言綸 陳大璉</p>	<p>九</p>	<p>孫鐸 向閱 孫惺 孫基 李本 劉怡 孫慶 孫愉 鄒毓 授巴 <small>主宛 恩辛 縣黃 知恩 縣襄 知武 治拔 教黃 縣長 簿平 選丑 訓破 縣授 訓陽 縣功 諭大 諭陂 丞沙</small></p>
	<p>卷三</p>	

酉辛

遠安縣志

午庚

正雍

楊亦溥

選舉

談經正
傳有

傅作礪

張宏遠

王亮拔

廖祖昌

談經制

陳大珽恩

傅之暉

孫繩祖

何偉

陳燦羅
訓導田

毛文坤

向鑑隨
訓導州

嚴宏遠

李志遴恩

汪澤泓

張霽遠

向嵩
訓導城

王永祚

王心純

趙時中

十

卷三

遠安縣志

隆乾

選舉

曾	廖	楊	許	梁	蕭	陳	徐	汪	朱	曾
傳	宗	成	掄	文	景	誨	嘉	廷	顯	傳
一	乾	鳳	元	暉	祖		言	棟	祚	一
恩	訓									恩
	麻									
	城									
	導									
	城									

十一

卷三

談正瑋

熊鴻祚

趙翔龍

姜開齊

楊國治

曹文植

向昌

曾玟

向崇

鄒延賓

有傳
有傳
恩傳

恩

遠安縣志

選舉

十二

卷三

陳性言

湯宗伊
恩

曾大任

程鵬翮

陳洪範

談世詔

戴聖訓

黃開笏

鄒芝蘭

鄒延明

曹于岳

周士岸
恩

曹于嵩
恩

談雍和

李林楨
傳有

周士巍
傳有

談參和
恩

鄒延傑

李鍾岳
均訓
州導

王槐茂
拔

遠安縣志

選舉

十三

卷三

卯乙

慶嘉

午戊

李超倫
傳有

周德豐
有副
傳車

陳楨
傳有

陳士望

曾廷翼

王學岱

鄒志朱

陳嗣齡
恩

彭志義

曹銘文

陳崇閣
傳拔
有

許步雲

張學廣
貢廩

黃萬青
傳有

聶榮

周光祿
傳有

李甲煊

周正愷
恩

馬學珍
訓通
導城

陳上林

劉玉選
訓竹
導谿

王槐蔭

李正心
恩

辰戊

王學岱
副恩
車榜

<p>辰甲</p> <p>酉丁</p>	<p>遠安縣志</p>	<p>酉乙</p> <p>光道</p>
<p>周汝珩 魁經</p>	<p>選舉</p>	
<p>王徵璠</p> <p>李元吉 恩</p> <p>戴星治</p> <p>徐峙中</p> <p>談尚恆</p> <p>王學峒 拔</p> <p>劉爲鏊</p> <p>姜德明</p> <p>黃蘊奇 恩</p> <p>王庭琇</p>		<p>熊開周</p> <p>黃鵠</p> <p>簡泰</p> <p>曾志春</p> <p>陳國恪 傳有</p> <p>皮文彪 拔</p> <p>周德裕 傳有</p> <p>翟尚忠 傳有</p> <p>李甲焯</p> <p>徐揚華</p>
<p>陳大猷 貢例</p> <p>覃雋徽 貢例</p> <p>熊應兆 貢廩</p>		<p>陳正蔚 丞縣</p>
<p>十四</p>		<p>卷三</p>

<p>卯丁 丑乙 亥癸 酉辛 未己 午戊</p>	<p>遠安縣志</p>	<p>豐咸 酉己</p>
	<p>選舉</p>	
<p>陳教壇 有傳</p>		
<p>洪光杰 魯泮藻 蕭德醕 恩 徐甲孚 陳教壇 朱承緒 拔 張珏 恩 周明修 楊汝平 恩 談恢宇</p>		<p>十五</p>
<p>覃應桂 喻子茂 吳光斗 通判 朱攀桂 王清山 同 熊楚珩 王化楚 同 王瑞徵 王積善 同 徽試用知縣</p>	<p>卷三</p>	<p>喻兆祥 覃象南 鄒席珍 覃振聲 熊鼎元 徐文廣 徐保明 覃仙根 覃儁徽 郭鳳鳴 同 同 同 同 同 同 同 同 同 同</p>

徵辟

明

周仁

永樂中以人才舉授巡檢陞邑令

清

游啟運

滕縣令轉赤城通判陞薊州知州

陳金鑾

原名文芳邑廩生成豐元年孝廉方正有傳

熊應兆

廩生同治元年孝廉方正有傳

劉為醇

從九職銜同治元年孝廉方正

遠安縣志

徵辟

十六

卷三

遠安縣志

武備

國家雖當全盛時未可一口忘兵也自漢唐迄前明戎政犁然可稽然求諸古者寓兵於農之意則已判然兩途矣昔人謂荆襄爲用武必爭之地又謂遠安爲荊州門戶則設險置將益不可已今制置遊守以下諸員鳴弓擐甲以壯楚服水旱塘汛碁布星羅其有合於思患預防之遺意乎志武備

明設守禦所

遠安縣志

武備

一

卷三

指揮一員

千戶一員

鎮撫一員

百戶一員

明成化戊子撥旗軍一千七十餘名守禦後調三百名防守竹山縣又歷年逃故甚多萬歷問實在旗軍三百五十八名內輸戍南襄紅沙一百二十有三守城操備僅二百三十五名今經兵火逃亡殆盡

國朝康熙五年撥荊州後營設遠安營

遊擊一員

守備一員

千總一員裁

外委千總一員駐當陽

把總四員

外委千把總三員雍正七年添設

原額馬步戰守兵八百名康熙八九兩年裁一百
十名十三年添足八百名十四年又添四百名
共一千二百名二十一年裁四百名二十二年
裁一百九十三名二十三十四兩年裁六十七名

遠安縣志

武備

二

卷三

三十五年裁三十名四十五年裁一十三名雍
正七年奉 文於馬兵數內設立外委千把總
三員乾隆九年奉 文將外委千把造於經制
千把之後不須列入兵丁項下乾隆十八年撥
馬糧四分歸宜都營該營退出戰糧一分守糧
三分還本營遵奉開撥外實共兵丁四百九十
四名內馬兵四十三名戰兵八十四名守兵三
百六十七名乾隆二十一年撥本營千總一員
帶同現食馬一守六養廉七分並抽本營洋坪
汛兵十五名一併赴安陸營乾隆四十六年奉

文給予遊擊養廉銀四百兩守備二百兩千總一百二十兩把總九十兩外委十八兩公費一百八十九兩二錢九分六釐本營退出各官養廉五十三分公費一十五分嘉慶十九年裁減守兵二十名在於存城北砦河溶各汛抽撤道光十二年裁減存城馬兵一名戰兵一名守兵六名道光二十二年裁減存城守兵二名現在馬步戰守兵三百七十四名內馬兵三十四名戰兵四十八名守兵二百九十二名戰兵四十八名內弓箭兵丁二十名鳥鎗兵丁二十二名

遠安縣志

武備

三

卷三

籐牌兵丁三名耍刀兵丁二名砲手兵丁一名守兵二百九十二名內字識一十二名弓箭兵丁九十名鳥鎗兵丁一百五十名籐牌兵丁二十七名耍刀兵丁七名砲手兵丁六名官坐馬二十二匹戰馬三十七匹每年春冬二季每季每匹支草料乾銀三兩六錢夏秋二季每季每匹支草料乾銀一兩五錢每年報倒馬一十一匹請領馬價銀一百五十四兩隨倒隨補額設砲二位子母砲一位劈山砲一位火葯三千八十四觔鉛彈三千八十四觔每年除俸餉米折

外額設惠濟兵丁銀一百六十五兩三錢一分
六釐紅事給銀三兩白事給銀五兩

巡防汛地

原塘汛後司把總駐觀音砦塘右司外委駐清
溪塘外委千總駐當陽易家坪塘乾隆九年裁
千金砦石柱砦白土團洪恩砦當陽宋家渡諸
汛撤外委千總回遠安城協防存城撤右司外
委赴當陽城協防汛務二十一年裁本營千總
赴安陸營改洋坪爲小汛撤左司把總回縣駐
防存城三十年裁塞口塘另設漳河口塘併設

遠安縣志

武備

四

卷三

南襄城塘復改洋坪爲大汛觀音砦爲小汛移
觀音砦把總駐洋坪汛兵二十五名留五名守
塘其餘二十名撥赴洋坪大汛洋坪汛兵五名
撥赴南襄城新汛現在三十六塘

右司把總

駐黃家垸內轄七汛

北砦汛 馬家坪塘 陰陽坡塘 蘆溪嶺塘

界山塘 木瓜舖塘 清溪塘

後司把總

駐洋坪內轄十四汛

洋坪汛 羅漢峪塘 香油坪塘 沙底坡塘
湖水塘 包巾砦塘 五爪砦塘 觀音砦塘

定林坡塘 下管塘 西河塘 興田塘

南襄城塘 彭家砦塘

千總存城汛 駐防城汛右司外委九汛又協

張王廟塘 清水舖塘 易家坪塘 普通寺

塘 與塘宜都秦家 七孔岩塘 慈化寺塘 峽口

塘 玉泉寺塘 蓮坪塘 與宜鎮天

左司外委 駐涪涪溪河內轄四汛

涪溪河汛 漳河口塘 鴻橋舖塘 與荆門銅

官墻塘

前司把總 駐河溶專汛

遠安縣志

武備

五

卷三

河溶汛 與荆州營十

左司把總 駐城內專汛又協防員

縣前舖汛

兵防

南襄堡通巴蜀鄖襄等處明時流賊出沒其地成化

四年建堡周圍有垣南北有門輪撥本所官一員

旗軍一百名戍守今廢

軍政考格

明五歲一考選本所掌印兼管屯局馬政官一員佐

貳清軍城操官一員巡捕兼理刑官一員十百戶

所百戶一員

紀兵

漢淮陽王更始元年秦豐起兵攻得邳宜城若編臨

沮中廬襄陽鄧穰湖陽蔡陽兵合萬人

東觀漢記

光武六年田戎任滿出江關下臨沮夷陵間招其故

宗因破取荊州諸郡

後漢書公孫述傳

宋元嘉二十四年臨沮當陽蠻反縛臨沮令傅僧驥

荊州刺史南譙王義宣遣中兵叅軍王謏討破之

宋書

齊高帝建元二年南襄城蠻秦遠出破臨沮百方寨

遠安縣志

武備

六

卷三

殺畧百餘人

南齊書蠻傳

北上黃蠻文勉德寇汶陽太守戴元孫棄戍歸江

陵荊州刺史豫章王嶷遣中兵叅軍劉仵緒將千

人討勉德至當陽勉德請降

按汶陽郡治高安

明成化二年五月尙書白圭至南陽與撫寧伯朱永

由南漳入遇賊誘之臨城擊破之永適有疾留鎮

圭與唐慎李震湖廣巡撫王儉進兵潭頭坪林貴

鮑政自遠安進兵馬良坪喜信王信自房縣進兵

浪河口王恕率都指揮劉清等亦自穀城進兵洞

庭廟賊見勢逼千斤走壽陽欲出陝西苗龍走大

市欲出遠安卽調兵往壽陽截其奔軼千斤退大市與龍合都指揮田廣進至雁坪擊賊敗之追及於古口山明日廣與諸軍皆會進攻賊陣斬其子劉聰僞都司苗虎一百餘人乘勝進兵賊退入巢穴憑險爲拒時諸路兵會已二日攻之不能下士卒聞圭來倍奮勇圭乃命劉清將兵千餘由間道出賊後焚其營而自以大軍臨之圭與震儉攻其右王信擊其左鮑政衝其中賊數萬餘迎戰顧其營火遂驚走蹂躪死者無算擊斬萬人生擒劉千斤獻俘京師與苗龍等四十人皆磔於市男子十

遠安縣志

武備

七

卷三

歲以上者斬之惟劉長子石和尚遁去

明史紀事本末

崇禎七年流賊犯遠安城陷遷治鳴鳳山麓

十六年闖賊數萬騎犯遠安新城復陷

順治三年虎賊攻圍荊州 貝勒王兵至賊潰奔遠

安據呼兒洞山頂官兵復追擊又大破之賊北遁

六年王賊犯境荊鎮總兵鄭公四維進剿賊敗遊擊

呂騰蛟深入沒於陣

六年二月姚黃王二王三等賊萬餘出犯洋坪荊鎮

中營遊擊武君相奮勇擊之活擒僞副將張有才

僞叅將李學等僞守備王自登等賊一百餘名獲

騾馬旗幟器械無數又守備龍英生擒高照劉大漢賊大奔潰

九年虎賊入寇邑侯盧請鎮兵剿殺賊潰遊擊汪吉當先遇伏死之

九年賊犯高荒嶺君相追斬僞百總李大廷生擒無數賊遁又十月郝賊犯迴水岩遊擊武君仕當先殺賊百餘生擒二十餘名賊遁

十年春虎賊犯境遊擊白可愛將兵擊之殺賊百餘生擒二十餘名又五月賊復犯境愛將兵擊之追至西河口賊遁先是鹿溪一帶賊潛伏難測自擊

遠安縣志

武備

八

卷三

敗後畏其智勇不敢伏草邊境賴之由是始也

十一年李賊出犯十八灣守備涂鎧殺賊多級活擒數十賊遁又十月李賊遣黨賊等盤踞北砦一帶砦民李春元六兒等順賊遊擊崔文元同守備關陞領兵撲勦賊遁招撫春元等釋之

十二年虎賊夜襲新城迷道及天明列營向家坂搦戰遊擊趙克仁出戰新城鄉勇於四山樹旗幟爲疑兵賊將授首生擒百餘時賊衆我寡力戰破之可謂健將

十四年春遊擊黃名世屯兵向家坂夜半賊入營世

被執守備劉戰死之

十四年增戍兵兩營

十五年設立木城駐札防兵

十八年新任遊擊沈應宗輪守賊不入境四野晏安

康熙十二年冬吳三桂反於雲南明年陷宜都遠安

繼陷枝江松滋公安等縣十七年春三桂死於衡

州十八年正月我師自岳州進勦賊大敗於是荆

江以南賊戍盡撤郡遂無警

嘉慶元年白蓮教匪起遠安數十百戰俱詳忠義門

五年九月白蓮教匪盤踞遠安山谷間上憲檄高

遠安縣志

武備

九

卷三

廉鎮李

佚其名

帶兵來剿李使人偵賊踪賊伏青

龍灣偵者以無賊報李督兵前進伏起李被圍

陣亡賊遂欲薄城呂令應熊授兵登陴城上旌

旗布滿鼓角齊鳴賊不敢攻

咸豐七年正月襄匪分兩支南下一由興山破宜昌

一由通城河窺遠安趙明府廣恩預調勇在南

漳之文家壩堵卡鄉勇未經戰陣十四日賊衝

卡勇陣亡九人退紮南襄城地方適盧都閩又

雄領兵過境會於韓林寨十五日晨刻戰於峽

口殺賊數百人奪獲馬匹器械無算忽通城河

生力賊來救致未撲滅賊聞唐明府兵將至遂東走盧旋奉調回荆趙明府撤勇向茅坪設卡以禦東面不料宜昌賊於二十七日晚突至城內兵勇單弱遂陷文武衙署公所倉廩火焚殆盡二月初一初二初三等日四鄉紳民集團勇六萬七千四百人晝夜圍攻初四日清晨賊遁乃收復

咸豐十一年兩次奉文裁兵四十名歸漢陽水師營招補今改歸江南水師營招補

遠安縣志

封爵

三代以封建公天下周室大封且至千八百國是天下無邑不爲封國而遠安獨無聞或者其在楚封內也秦廢封建置郡邑自是藩國絕少然稽諸史傳恩倖之邀封有功之特賞間有其人明封諸王後裔幾遍天下而遠安實爲遼簡王三子之封邑舊志不載補錄之俾覽者知所考証云志封爵

東漢

遠安縣志

封爵

一

卷三

臨沮侯史汎

後漢書宦者傳延光四年十一月封中黃門史汎爲臨沮侯

南北朝

臨沮伯張邵

宋史本傳張邵字茂宗吳郡吳人也武帝受命以佐命功封臨沮伯元嘉五年以征虜將軍領寧蠻校尉雍州刺史加都督子敷及敷弟柬束子式嗣位

臨沮伯江淹

梁書本傳武帝天監元年封江淹臨沮縣伯邑四
百戶後改封醴泉侯

明

遠安王貴燮

明史諸王傳洪武三十二年封遼簡王第三子貴
燮爲遠安王洪熙初坐法廢子豪塾乞封輔國
將軍

遠安縣志

封爵

二

卷三

遠安縣志

封蔭

積德之效匪一朝推恩之典及四世秩雖別乎尊卑榮無分乎文武內從外制存與沒均煌煌綸綍克世其家什襲藏之厥後罔替亦足榮已况褒綸獲邀於先代恩蔭更及於子孫崇德報功無所不至几屬臣工宜何如報稱乎採而錄之以慶榮懷焉志封蔭

宋 封贈

楊大異遷川淮轉運副使誥封金紫大夫按安

遠安縣志

封贈

一

卷三

志載楊大異博學篤行才兼文武從胡寵授春秋登嘉定進士宰遠安進四川制置司參議從制使丁黼與元兵巷戰有功封醴陵伯其官尊授金紫大夫宜也而趙志引宋史謂由遠安尉招降峒寇遷吉州戶曹與本傳不合當從宋史云云但以縣尉遷戶曹其官小不應授金紫大夫宋史似不可從附誌於此以俟知者

明 封贈

何史訓景泰時奉詔進階朝列大夫

李天慶槩之父隆慶時進四川開縣知縣

張 淪崇慶父萬曆時誥封南安知州

簡 學而可父萬曆時誥封潯州府知府

張崇文斗樞父萬曆時誥封永城知縣

游春震一清父萬曆時誥封邛州知州

李向春友蘭父天啟時初誥封全州知州後封

戶部員外郎

李 膺如玉父崇禎時誥封寶應縣知縣

蘇 懋成化時誥贈武德將軍

蕭 虎正德時誥贈昭信校尉

遠安縣志

封贈

二

卷三

蕭 實虎之子正德時誥贈昭信校尉

龍 勝正德時誥贈昭信校尉

蘇 偉懋之子正德時誥贈武德將軍

杭 清正德時誥贈昭信校尉

國朝 封贈

李良弼明天啟戊午科舉人自麻城仕至富順

縣知縣以子正從官

誥封榮祿大夫

清 封贈

李正從官遊擊食左都督俸

誥授榮祿大夫

談繼孔九和縣知縣經正父

勅贈文林郎

李鍾岳天門縣教諭超倫父

勅封修職郎

周士巍大冶縣教諭德豐公安縣訓導德裕父

勅封修職郎

馬岳嶠通城縣訓導學珍父

勅封修職郎

熊澤潤廩貢生孝廉方正司知銜應兆父

遠安縣志

封贈

三

卷三

勅封奉政大夫

周維翰歲貢生候選訓導湖南候補知州署益

陽縣知縣汝珩父

勅封奉政大夫

喻穎昌同知銜安徽試用知縣肇祥父

例封奉政大夫

覃宗華德安府訓導仙根父

勅封修職郎

王朝俊湖南即補巡檢瑞徵父

勅封修職郎

遠安縣志

蠲卹

荒政十二見於周禮嗣是施舍已責災賑恩蠲歷代皆有惠政我

朝軫念民依尤有加無已偶遇水旱偏災賑卹蠲貸之數奚啻億萬萬計實從來所未有遠安雖小邑同戴覆載之恩具有生成之感彙而計之用昭歌舞耕鑿於不忘云志蠲卹

元武宗至大三年秋七月當陽夷陵宜城遠安諸縣水令尙書省賑之元史武宗紀

遠安縣志

蠲卹

一

卷三

明洪武九年春三月蠲湖廣租賦明史紀

十年冬十一月免湖廣田租

成化十五年夏五月免湖廣稅糧明史紀

宏治三年春二月免湖廣稅糧府志

嘉靖十八年免湖廣明年田賦五之二明史紀

隆慶三年夏四月免湖北稅賦

國朝康熙三年春官兵剿西山賊李來亨等州縣役民夫運米多有死者至是賊平蠲免各縣亡丁

錢糧舊通志

二十九年蠲免湖北錢糧之半志稿

五十年奉

上諭湖北地畝人丁應徵銀兩並歷年舊欠全行豁

免一次

志稿

五十一年蠲免湖北地丁錢糧及歷年舊欠

舊通志

乾隆元年蠲除軍田額外加徵

十年蠲賦湖北輪於戊辰年全行蠲免一次

嘉慶元年蠲免遠安歸州等二十州縣地丁錢糧秋

七月蠲免遠安等州縣應徵各款正項及耗費

雜課錢糧

二年遠安荊門等十八州縣及建始等五縣普行

遠安縣志

蠲卹

二

卷三

給賑三月並予房屋修費

三年遠安等二十六州縣並襄陽德安二衛所共

蠲銀三十六萬五千九十二兩四錢八分一釐

作為三次於是年蠲免

四年賑濟湖南撥款米內遠安穀折銀五千五百

九十九兩八錢八分給修房屋銀一千四百九

十四兩六錢

八年蠲免遠安等四十二州縣被賊滋擾地丁錢

糧全行蠲免